

傷寒補亡論卷第四

六經統論

問曰傷寒三陽受病傳經何如素問三十一曰傷寒
一日巨陽受之故頭項痛腰脊強二日陽明受之陽
明主肌肉其脈俠鼻絡于目故身熱目疼而鼻乾不
得卧也三日少陽受之少陽主胆其脈循脇絡于耳
故胸脇痛而耳聾三陽經絡皆受其病未入于藏可
汗而愈

問曰三陰受病傳經何如素問曰四日太陰受之太
陰脈布胃中絡于嗌故腹滿而嗌乾五日少陰受之



少陰脈貫腎絡于肺繫舌本故口燥舌乾而渴六日厥陰受之厥陰脈循陰器而絡于肝故煩滿而囊縮曰三陰可下何如仲景曰三陰皆受病已入于府藏可下而已

問曰汗有繫乎經或繫之日何也雍曰日循經也大抵受病皆有常變其經与日不相應者則變也循常則易治既變則難通然變則當從症常可從日故素問曰若其未滿三日者可汗而已其滿三日者可泄而已此言常道也

問曰經言其死皆以六七日之間何也雍曰六七日傳經皆遍陰陽俱受病也故重者死也素問曰三陽三陰五藏六府皆受病榮衛不行五藏不通則死是也故經又言治之法各通其藏脈病日衰也如是則五藏不通則死通其藏脈則病衰也

問曰經言其愈皆以十日已上者何也雍曰此謂傷寒循常無變者故素問曰其不兩感于寒者七日巨陽病衰頭痛少愈八日陽明病衰身熱少愈九日少陽病衰耳聾微聞十日太陰病衰腹減如故則思飲食十一日少陰病衰渴止舌乾已而嚏十二日厥陰病衰囊縱少腹微下大陰論大氣皆去病日已矣此所以愈

大陰論

卷四

者皆十日以上也

此條少陰渴止下有不滿二字目仲景論無故去之又仲景大氣皆

去下仍有病人精神爽慧

問曰十三日以上不愈者何也仲景曰若過十三日

以上不間尺寸陷者大危若更感異氣變為他病者

當依後壞病証而治之若脉陰陽俱盛重感于寒變

成溫瘧陽脉浮滑陰脉濡弱者更遇于風變為風溫

陽脉洪數陰脉實大更遇溫熱變為溫毒溫毒為病

最重也陽脉濡弱陰脉弦緊者更遇溫氣變為溫疫

以此冬傷于寒發為溫病脉之變証方治如說龐氏

作濕溫為當

問曰傷寒一日巨陽受之何如王氏曰素曰巨陽者

諸陽之屬也皆有其脉連于風府故為諸陽主氣也

又評熱論曰巨陽主氣故先受邪也

問曰兩感于寒者何如素問曰人之傷于寒也則為

病熱雖甚不死其兩感于寒而病者必不免于死

一日太陽與少陰俱病則頭痛口乾而煩滿二日陽

明與太陰俱病則腹滿身熱不欲食譫語三日少陰

與厥陰俱病則耳聾囊縮而厥水漿不入不知人者

六日死

問曰素問又言三日乃死何也雍曰即前所謂六日

死也。何以言之。兩感之病。脉陰陽表裏兩經俱傳。至三日。則六經陰陽已傳盡。水漿不入。不知人。是時五藏已盡傷。六府已不通。榮衛已不行。如是之後三日。乃死。帝疑之。故再與問。岐伯謂是時陽明之氣獨未盡。故又三日而後死。是以其言曰。陽明者。十二經絡之長也。其血氣盛。故不知人。三日其氣乃盡。故死矣。夫不知人者。則兩感陰陽俱傳。三日之証也。陽明為諸經之長。其血氣盛。所以滋養諸經。其血氣已散入諸經者。各隨其經絕矣。其在陽明未散入諸經者。又須三日而後乃盡。以是知六日者。三日傳太陽。三日傳陽明之氣。乃盡。是為六日。而世之讀經者。以六日為太陽再傳經而死。若陰陽尚能再傳。則不死矣。其曰三日死者。又別為陽明氣血隨邪而盡之說。與六日不相通。其悞甚矣。

且足之六經乃陰中之陽。陰中之陰。故寒邪所起。在足十指。夫風毒之氣。皆起于地。地之寒暑風濕。皆作蒸氣。足常履之。所以中人必中于足。雍曰。此也。仲景及素問孫真人感風毒之論。傷寒之感。亦無以異也。之但言足經而不及手經者。此問曰。傷寒三陽受病。傳不傳。可見否。仲景曰。傷寒一

曰太陽受之脉若靜者為不傳頤欬吐若燥煩脉數
急者為傳也又曰傷寒二三日陽明少陽症不見者
為不傳也

問曰三陰經傳不傳可見否仲景曰傷寒三日三陽
為盡三陰當受邪其人反能食而不嘔此為三陰不
受邪也不受邪則不傳矣

問曰六經于藏府何屬也雍曰足太陽膀胱經足陽
明胃經也足少陽胆經也此三府者皆為陽也足太
陰脾之經也足少陰腎之經也足厥陰肝之經也此
三藏者皆為陰也陽為表厥為裏故足太陽與足少
陰為表裏腎與膀胱也足陽明與足太陰為表裏脾
與胃也足少陽與足厥陰為表裏肝與胆也

問曰願聞六經之所起雍曰本于靈樞之言未可遽
詳也朱氏活人書可見其畧云足太陽膀胱起于目
內眥上頭連于風府分為四道下項并正別脉上下
六道以行于背與身為經太陽之經為諸陽主氣或
中寒邪必發熱而惡寒緣頭項腰脊是太陽經所過
處令頭項痛腰脊強身體疼其尺寸脈俱浮者故知
太陽經受病此其大畧也

陽明經何如朱氏曰足陽明胃之經從鼻起夾于鼻

絡于目此少下咽分為四道并正別脉六道上下并

腹網維于身蓋諸陽在壽陽明主肌肉絡于鼻故病

人身熱目疼鼻乾不得卧其脉尺寸俱長者知陽明

受病

少陽經何如朱氏曰足少陽胆經起目內皆外當絡

于耳分為四道下循缺盆循于脇并正別脉六道上

下主經營百節流氣三部故病人胸脇痛而耳聾或

口苦咽乾或往來寒熱而嘔其脉尺寸俱弦者少陽

受病

太陰經何如朱氏曰足太陰脾之經為三陰之首其

脉布于脾胃絡于嗑喉故病人腹滿而嗑乾其脉尺

寸俱沉細者知太陰經受病也

少陰經何如朱氏曰足少陰腎之經其脉起于足小

指之下斜趣足心別行者入跟中上至股內後廉貫

腎絡膀胱直行從腎上貫肝膈入肺中繫舌本傷寒

熱氣入于藏流于少陰之經少陰主腎腎惡燥故渴

而引飲又經發汗吐下以後藏府空虛津液枯竭腎

有餘熱亦渴故病人口燥舌乾而渴其尺寸俱沉者

少陰受病也

厥陰何如朱氏曰足厥陰肝之經厥者盡也靈樞經

六經論

卷四

亥為左足之厥陰、戌為右足之厥陰、兩陰俱盡、故曰厥陰、夫陰盡為晦、陰出為朔、厥陰者以陰盡為義也、其脈循陰器而絡于舌本、脈弗營則筋急、筋急則引卵与舌、故唇青舌卷而囊縮、凡病人煩滿而囊縮、其脈尺寸俱微緩者、知厥陰受病也、
問曰六經之脈狀何如、仲景曰尺寸俱浮者、太陽受病也、尺寸俱長者、陽明受病也、尺寸俱弦者、少陽受病也、尺寸俱沉細者、太陰受病也、尺寸俱沉者、少陰受病也、尺寸俱微緩者、厥陰受病也、
問曰陽明厥陰之義何也、素問七十四曰陽明何謂也、岐伯曰兩陽合明也、厥陰何謂也、岐伯曰兩陰交盡也、

太陽經症治上九十五

雍曰自此以下皆仲景本論、更不設問、恐滋繁言、第曰仲景曰繼則又曰而已、其他書所言、及有疑者、方設問以荅之、本論有仲景元荅問者、則首曰仲景問曰是也、其次並依仲景本論先後、不復云仲景曰、脈尺寸俱浮者、太陽受病也、當一二日發、以其脈上連風府、故頭項痛、腰脊強、又曰太陽之為病、脈浮、頭項強痛、而惡寒、孫真人曰其脈浮、

又曰太陽病發熱汗出惡風脈緩謂浮者名為中風

又曰太陽病已發熱或未發熱必惡寒體痛嘔逆脈

陰陽俱緊者名曰傷寒也王叔和曰太陽病脈浮而

數可發其汗屬桂枝湯又曰太陽病未解其脈浮弱

當以汗解宜桂枝湯又曰太陽病頭痛發熱汗出惡

風若惡寒屬桂枝証汗出惡寒亦屬桂枝常類士器

之補治論曰汗出惡風宜桂枝湯無汗惡寒宜麻黃

湯雍曰中風傷寒二証本以有汗無汗而分桂枝麻

黃二湯亦分有汗無汗而用故汗出亦有惡寒者亦

屬中風王叔和亦用桂枝不以惡寒而改用麻黃者

謂其有汗也

問曰太陽一經何以或有汗或無汗也雍曰係乎榮

衛之氣也榮行脈中衛行脈外亦以內外和諧而後

可行也風邪之氣淺則中衛中衛則衛強衛強不與

榮相和屬其慄悍之氣隨空隙而外出則為汗矣故

有汗者衛氣遇毛孔而出者也寒邪中深則涉衛中

榮二氣俱受病無一強一弱之證寒邪榮衛相結而

不行則衛氣無自而出必用藥發其汗然後邪去而

榮衛復通故雖一經有有汗無汗二証亦有桂枝解

表麻黃發汗之法治不同也仲景榮衛不和俱見

白虎湯之當
用與不當用惟
有表症無表
症耳用者審
之

用柴胡加龍骨牡蛎湯。此被下後小便不利有煩驚

症者可用也。惟白虎加人參湯。治大渴飲水。口乾舌

燥。無表証者可服。脉浮。表未解者不可服。今温病風

温。表未解者皆脉浮。則不可服明矣。白虎加參。本治

裏熱。太陽發熱而渴。非裏熱。不可服。故今去之。

又曰病有發熱惡寒者發于陽也。無發熱惡寒者發

于陰也。發于陽者七日愈。發于陰者六日愈。以陽數

七。陰數六。故也。龐氏曰發于陽者。隨証用發汗藥。攻其

表。發于陰者。用四逆輩温其內。○又曰太陽病頭疼

至七日以上自愈者。以行其經盡故也。若欲作再經

者。針足陽明。龐氏云三里穴補使經不傳則愈。

問曰經言其死皆以六七日之間。而論言七日以上

自愈何也。雍曰感之重而証有變異者死。感之輕而

証無變異者自愈也。○又曰風家表解而不了了者

十二日愈。龐注云方言曰南楚疾愈或謂之了

又曰病人身大熱反欲得近衣者。熱在皮膚。寒在骨

髓也。身大寒反不欲近衣者。寒在皮膚。熱在骨髓也。

朱氏曰熱在皮膚者表熱裏寒。宜先與陰旦湯。寒已

次以小柴胡加桂枝以温其表。寒在皮膚者表寒裏

熱。宜先以白虎湯加參除熱。次以麻黃各半湯以解

太陽

其表大抵病有標本治有先後表熱裏寒脈必沉而遲手足微厥下利清穀也所以陰証亦有發熱者四逆湯通脈四逆湯生之表寒裏熱者脈必滑而厥口燥舌乾也所以少陰惡寒而踴時自煩不欲厚衣用大柴胡湯下之而愈雍曰皮膚固為表而骨髓為裏有二說所以仲景不直言表裏而曰皮膚骨髓也夫表裏者人身之陰陽也靈樞六篇曰內有陰陽外有陰陽在內者五藏為陰六府為陽在外者筋骨為陰皮膚為陽今朱氏雖從表裏法治之然是以在內治裏之法而治在外之裏也常器之只用桂枝麻黃各半湯雖亦有理又疑麻黃雖能和榮衛而不至骨髓朱氏似失之深常氏似失之淺宜于二者之間消息用藥或用朱氏之藥則少與之用常氏之藥則多與之可也○又曰太陽中風陽浮而陰弱陽浮者熱自發陰弱者汗自出番、惡寒、淅、惡風、翕、發熱、鼻鳴、乾、嘔者桂枝湯主之千金翼曰太陽中風發熱而惡寒○又曰太陽病頭痛發熱汗出惡風者桂枝湯主之○又曰太陽病項背強几、反汗出惡風者桂枝加葛根湯主之○又曰太陽病下之後其氣上衝者可与桂枝湯方不上衝不得與之○又曰太陽

病三日已發汗若吐若下若溫鍼仍不解者此為壞病桂枝不中與也。現其脈証知犯何逆隨証治之。又曰桂枝本為解肌若其人脈浮緊發熱汗不出者不可與也。常須識此勿令誤也。常器之云可麻黃湯。又曰若酒客病不可與桂枝湯得之則嘔以酒客不喜甘故也。○又曰喘家作桂枝湯加厚朴杏子仁佳。又曰凡服桂枝湯吐者其後必吐膿血也。常氏曰可服類要芍藥地黃湯雍曰見膿血而後可服。又曰太陽病發汗遂漏不止其人惡風小便難四肢微急難以屈伸者桂枝加附子湯主之。千金云桂枝湯加附子一箇炮即是。龐氏云若小便數切不可行此湯。宜用芍藥甘草湯。若誤行桂枝加附子湯攻表則咽乾煩躁厥逆嘔吐者作甘草乾薑湯與之以復其陽。若愈足溫更與芍藥甘草湯其脚即伸。若胃氣不和譫語者少與調胃承氣湯微澹則止其譫語。雍曰此仲景治自汗小便數之法。龐氏以發汗漏不止小便數其証一也。宋又曰太陽病下之後脈促胃滿者桂枝去芍藥湯若微惡寒者桂枝去芍藥加附子湯主之。又曰太陽病得之八九日如瘧狀發熱惡寒熱多寒

太陽

少其人、不嘔、清便、欲自可、一日二三度發、脈微緩者、為欲愈、脈微而惡寒者、此陰陽俱虛、不可更發汗、更下、更吐也、面色反有熱色者、未欲解也、以其不能得小汗出身、必痒、宜桂枝麻黃各半湯。

又曰、太陽病、初服桂枝湯、反煩、不解者、先刺風池、風府、却與桂枝湯、則愈、雍曰、仲景云、太陽受病、上連風府、故治傷寒、以風府為要穴、風池次之、然風府近腦戶、或疑不敢刺、在法又禁灸風池、則灸刺皆無禁也。又曰、服桂枝湯、大汗出、脈洪大者、與桂枝湯、若形似瘧、一日再發者、汗出必解、宜桂枝二麻黃一湯。

又曰、服桂枝湯、大汗出後、大煩渴不解、脈洪大者、白虎加入參湯主之。○又曰、太陽病發熱惡寒、熱多寒少、脈微弱者、此無陽也、宜桂枝二越婢一湯、千金云、不可發汗。○又曰、服桂枝湯、或下之、仍頭項強痛、翕翕發熱、無汗、心下滿、微痛、小便不利者、桂枝去桂加茯苓白朮湯主之。

又曰、傷寒、脈浮、汗自出、小便數、心煩、微惡寒、腳掣急、反與桂枝湯、欲攻其表、此誤也、得之便厥、咽中乾、煩躁、吐逆者、作甘草乾薑湯與之、以復其陽、若厥愈足溫者、更作芍藥甘草湯與之、其腳即伸、若胃氣不和、

譫語者少與調胃承氣湯若重發汗復加燒針者救
逆湯主之見九卷重汗

仲景問曰証象陽旦枝陽旦即桂枝湯異名按法治之而增劇厥

逆咽中乾兩脛拘急而譫語師曰夜半手足當溫兩

足當伸後如師言何以知此答曰寸口脈浮而大浮

為風大為虛風則生微熱虛則兩脛痠形象桂枝因

加附子參其間增桂今出汗附子溫經止陽故也厥

逆咽中乾煩躁陽明內結譫語煩亂更飲甘草乾薑

湯夜半陽氣還兩足當熱脛尚微拘急重身芍藥甘

草湯尔乃脛伸以承氣湯微瀉則止其譫語故知病

可愈雍曰此一段問答重解釋前段誤用桂枝加附

子之証按法治之謂令服桂枝湯也以此推之則証

象陽旦者小便不利則用桂枝加附子湯小便數則

用甘草乾薑湯芍藥甘草湯惟以小便為準耳龐氏

曰兩脛痠小便數仍汗出為津液少不可誤行桂枝

湯宜補虛退熱用芍藥甘草湯通治○又曰太陽病

項背強几几無汗惡風葛根湯主之○又曰太陽與

陽明合病者必自下利葛根湯主之蘇云用葛根黃連湯

又曰太陽與陽明合病不下利但嘔者葛根加半夏
湯主之千金云葛根湯中加半夏半升○又曰太陽病桂

太陽

卷四

枝訖醫反下之利遂不止脉促者表未解也喘而汗
出者葛根黃芩黃連湯主之。又曰太陽病頭痛發
熱身疼腰痛骨節疼痛惡風無汗而喘者麻黃湯主
之。又曰太陽與陽明合病喘而胸滿不可下宜麻
黃湯。又曰太陽病十日已去脉浮細而嗜卧者外
已解也設胸滿脇痛者与小柴胡湯脉但浮者與麻
黃湯。

問曰太陽病論有言至七日以上有言十日以去若
此之類未傳經與不傳經也雍曰究其意義雖可見
又當以脉証辨之且如七日以上自愈者謂六日傳
經已遍而無變異也十日以去設有胸滿脇痛者是
傳少陽也原本明是傳也其脉浮而無他証者只在太陽
不傳故仲景猶用麻黃也所以朱氏言寒邪中人不
必皆始于太陽兼有首尾止在一經或間傳二五經
不可一以理推但據脉與外証治之若過日多脉大
浮數按之不足者尚責太陽發汗而愈此即仲景十
日以去脉但浮者服麻黃湯之意也有汗者何如曰
詳證于諸桂枝湯中選用之朱又云不必皆始于太
陽者何如曰雍雖未之見在理應有之須脉証可辨
如感疾頭不甚痛即非太陽也蓋感病之變異者也

如巨陽先受邪則世俗之正傷寒也

仲景曰太陽中風脉浮緊發熱惡寒身疼痛不汗出

而煩躁者大青湯主之若脉微弱汗出惡風者不可

服服之則厥逆筋惕肉瞤此為逆也雍曰中風而脉

浮緊是中風見寒脉也故可服若脉微弱則非寒脉

又汗出惡風亦皆中風証故不可服之則汗漏不

止筋惕肉瞤而死筋惕肉瞤者以亡陽故也其詳別

見可汗門下

又曰傷寒脉浮緩身不疼但重乍有輕時尤少陰証

者大青龍湯發之雍曰傷寒而脉浮緩是傷寒見風

脉也少陰裏証大青龍湯發表藥故無少陰者可服

少陰口燥舌乾而渴是也龐氏云當作无太陰証且

仲景于不可發汗証中已言少陰病不可發汗况用

大青龍湯尤為不可此則用少陰字為無疑而龐氏

因脈証相似乃云當作太陰証雖龐氏之誤然太陰

病亦不可發汗三陰皆不可服特少陰最為緊急耳

仲景大青龍湯惟此兩証以其汗出亡陽大暴善醫

者復不敢用往、臨時審証以他藥代之若用桂枝

麻黃各半湯亦好惟是力緩宜多服和解之○又曰

傷寒表不解心下有水氣乾嘔發熱而欬或渴或利

太陽

卷四

或噎或小便不利少腹滿或喘者小青龍湯主之
又曰傷寒心下有水氣欬而微喘發熱不渴服湯已
渴者此寒去欲解也小青龍湯主之○又曰太陽病
外証未解脈浮弱者當以汗解宜桂枝湯○又曰太
陽病下之微喘者表未解也桂枝加厚朴杏子湯主
之千金云宜桂枝湯一云麻黃湯○又曰太陽病外
証未解者不可下下之為逆欲解外者宜桂枝湯
又曰太陽病先發汗不解而復下之脈浮者不愈浮
為在外而反下之故令不愈今脈浮故知在外當須
解外則愈宜桂枝湯

又曰太陽病脈浮緊無汗發熱身疼痛八九日不解
表証仍在此當發其汗服藥已微除其人發煩目瞑
極者必衄衄乃解所以然者以陽氣重故也麻黃湯
主之

又曰太陽病脈浮緊發熱身無汗自衄者愈

又曰二陽併病太陽初得病時發其汗汗先出不徹

原本無此四字

因轉屬陽明續自微汗出不惡寒大柴胡湯若太陽
病証不罷者不可下下之為逆如此可小發汗設面
色緣正赤者陽氣拂鬱在表當解之熏之若發汗
不徹不足言陽氣拂鬱不得越當汗不汗其人躁煩

不知痛處乍在腹中乍在四肢按之不可得其人短氣但坐以汗出不徹故也更發汗則愈何以知汗不徹以脉瀯故知之。龐氏云宜麻黃湯。雍曰龐氏在陽明以古本差謬仍改本。郭本有大柴胡湯四字俗本無

又曰脉浮數者法當汗出而愈若下之則身重心悸者不可發汗當自汗出乃解所以然者尺中脉微此裏虛須表裏實津液自和便自汗出愈。常器之云汗不出者可與小柴胡湯。雍曰若心下悸而煩宜小建

中湯表裏俱虛宜桂枝麻黃各半湯。設若用柴胡和解亦宜用柴胡桂枝和其榮衛以通津液。此證是下後裏虛故仲景待其氣復津液自和而汗出愈不必

更用藥。此一證非有證而無治其不用藥便是治法也。常氏必欲和解之疑其用藥太重故雍以柔劑少殺其力庶幾得中要之能少忍待其自和從仲景不用藥法為上妙也。

又曰脉浮緊者法當身疼痛宜以汗解之。汗謂也發假令尺中遲者不可發汗何以知之然以榮氣不足血少故也。雍曰此一證與前證畧相似宜小建中湯次則柴胡桂枝湯又不若待其別證見而治之。蓋前證是下後證當無出故仲景不用藥。此證是汗前證須別

太陽

有證出故不若少待之。既知血少不可使用小柴胡也。程德實本云郭白雲用小建中無黃芪。又曰脉浮者黃芪今郭本止小建中無黃芪。

病在表可發汗宜麻黃湯。又曰脉浮而緊浮則為風緊則為寒。

汗宜麻黃湯。又曰脉浮而緊浮則為風緊則為寒。

風則傷衛寒則傷榮榮衛俱病骨節煩疼可發其汗。

宜麻黃湯。又曰病常自汗出者此為榮氣和榮氣。

和者衛不諧以衛氣不共榮氣諧和故耳以榮行脉。

中衛行脉外後發其汗榮衛和則愈宜桂枝湯。

問曰榮氣既和何為自汗出也。雍曰平人榮衛常自。

和之氣也。設衛中于風而榮不中于寒是衛有邪氣。

而榮無邪氣也。有邪氣強無邪氣弱一強一弱故榮。

不得與衛氣諧和而獨和則衛氣無所依以慄悍無。

所依之氣又以邪氣濟之兩氣盈溢豁毅不能容榮。

深而衛淺故衛氣于皮膚間不得內合于榮而外見。

隙穴則出為自汗也。用桂枝解其肌則衛之邪氣去。

衛無邪氣則其氣自裏自然還內與榮和而汗止矣。

仲景曰病人藏死他病時發熱自汗出而不愈此。

衛氣不和也。先其時發汗則愈宜桂枝湯。

又曰傷寒脉浮緊不發其汗因致衄者麻黃湯主之。

又曰傷寒不大便六七日頭痛有熱者與承氣湯其。

裏字疑是表字誤

人小便清者知不在裏仍在表也不可與之當發其

汗若頭痛者必衄宜桂枝湯常器之云或疑其誤也

設須發汗當用麻黃湯不然用桂枝麻黃各半湯取

其小汗出而已雍曰仲景書桂枝无治衄法麻黃

有治衄法設此一証常氏疑其有誤而改用麻黃也

法蓋謂頭痛設若頭不痛則不衄不衄則不可用麻黃故宜桂枝

有熱其便清者知邪不在裏仍在表承安得有傳寫之誤也

麻黃各半湯取小汗而已更以有汗无汗決之仲景

又曰傷寒發汗已解半日許復煩其脉浮數者可發

其汗宜桂枝湯雍曰須言半日許者以來復煩即屬

邪除而頭痛勞復不用桂枝湯也因脉浮數故當汗之

愈矣若不用桂枝發其汗又曰凡病若發汗若吐若下若亡血亡津液陰陽自

和者必自愈雍曰言凡者不止謂傷寒也若傷寒未

和者少待其和或須藥可柴胡桂枝湯少與之不必

用小柴胡也又曰大下之後復發汗小便不利者亡

津液故也勿治之得小便利者必自愈雍曰不必更

以藥利其小便自待其通則愈又曰下之後復發汗必振寒脉微細所以然者以內

外俱虛故也常氏曰素无熱人可与芍藥附子湯有

熱人可与黃耆建中湯芍藥之下當有甘草二字

桂枝原不用在衄後何云

桂枝无治衄

法蓋謂頭痛

有熱其便清

者知邪不在裏仍在表承

氣不可與之

當用桂枝湯

發其汗則表

邪除而頭痛

愈矣若不用

桂枝發其汗

表邪不除則

頭痛為陽盛

必欲衄也

又曰下之後復發汗晝日煩躁不得眠夜而安靜不嘔不渴无表証脉沉微身无大热者乾姜附子湯主之
又曰發汗後身疼痛脉沉遲者桂枝加芍藥生姜各一兩八參三兩新加湯主之

又曰發汗後不可更行桂枝湯汗出而喘無大热者可與麻黄杏子甘草石膏湯

又曰發汗後其人脐下悸者欲作奔豚茯苓桂枝甘草大枣湯主之

又曰發汗過多其人叉手自冒心心下悸欲得按者桂枝甘草湯主之

又曰發汗後腹脹滿者原朴生姜半夏甘草人参湯主之

又曰傷寒若吐若下後心下逆滿氣上衝胸起則頭眩脉沉緊發汗則動經身為振搖者茯苓白朮桂枝甘草湯主之

又曰發汗病不解反惡寒者虛故也芍藥甘草附子湯主之

又曰發汗若下之病仍不解煩躁者茯苓四逆湯主之
又曰發汗後惡寒者虛也不惡寒但热者实也當和胃氣与調胃承氣湯雍曰虛者芍藥甘草附子湯

又曰太陽病發汗後大汗出胃中乾煩躁不得眠欲得飲水者少少與飲之令胃氣和則愈若脈浮小便不利微熱消渴者五苓散主之

又曰發汗已脈浮數煩渴者五苓散主之

又曰傷寒汗出而渴者五苓散主之不渴者茯苓甘草湯主之

草湯主之

又曰中風發熱六七日不解而煩有表裏証渴欲飲

水入則吐者名曰水逆五苓散主之

又曰未持脈時病人又手自冒心師因教試令欬而不欬者此必兩耳聾無聞也所以然者以重發汗虛

故如此常器之云素无熱人可與芍藥附子湯素有

熱人可與黃耆建中湯

又曰發汗後飲水多必喘以水灌之亦喘常云可與

麻黃杏子甘草石膏湯主之因飲水作喘當用小青龍加減方是。用麻黃杏

子甘草石膏湯非也。

又曰發汗後水藥不得入口為逆若更發汗必吐下

不止常云可與半夏茯苓湯當與理中加減方是或乾姜黃連黃芩人參湯

又曰發汗吐下後虛煩不得眠若劇者必反覆顛倒

心中懊懣梔子豉湯主之若少氣者梔子甘草豉湯

主之若嘔者梔子生薑豉湯主之

主之若嘔者梔子生薑豉湯主之

又曰發汗若下之而煩熱胸中窒者梔子豉湯主之
又曰傷寒五六日大下後身熱不去心中結痛者未
欲解也梔子豉湯主之

又曰傷寒下後心煩腹滿卧起不安者梔子厚朴湯
主之

又曰傷寒鑿以丸藥大下之後身熱不去微煩者梔
子乾姜湯主之

又曰凡用梔子湯病人

旧微溼者不可与服之

又曰太陽病發汗出不解其人仍發熱心下痞頭
眩身瞤動振振欲擗地者真武湯主之

又曰咽喉乾燥者不可發汗常云可与小柴胡湯

又曰瘡家雖身疼痛不可發汗出則瘡常云可与

小柴胡湯

又曰淋家不可發汗發汗必便血

又曰衄家不可發汗出必額上陷脉緊急直視不

能眴不得眠常云可犀角地黄湯

又曰亡血家不可發汗發汗則寒慄而振常云可芍

藥地黃湯

又曰汗家重發汗必恍惚心亂小便已陰疼与禹餘

糧丸方本闕常云禹餘糧石一味火煨散服亦可雍

二陰端疼

太禹餘糧石

曰用禹餘糧不用石：乃穀也
又曰病人有寒復發汗胃中冷必吐衄常云可服烏
梅丸雍曰宜服理中丸
又曰本發汗而復下之此為逆也若先發汗治不為
逆本先下之而反汗之為逆若先下之治不為逆雍
曰此為病當先汗而反先下之若已汗而復下之者
不為逆也或病當先下而反先汗之故為逆也若已
下而復汗者不為逆也如太陽証當汗而反下之少
陰証當下而反汗之皆為逆也

傷寒補亡論卷第五

太陽經証下九十

仲景曰傷寒醫下之續得下利清穀不止身疼痛者
急當救裏後身疼痛清便自調者急當救表救裏宜
四逆湯救表宜桂枝湯雍曰此謂太陽証誤下之者
又曰病發熱頭痛脈反沉若不差身體疼痛當救其
裏宜四逆湯雍曰此太陽病而得少陰脈故急當救
裏後身疼痛也
又曰太陽病先下之不愈因復發汗以此表裏俱
虛其人因致胃氣家汗出自愈所以然者汗出表和

郭本得
表和而裏

太陽

卷五

未和

故也和而得裏未和然後復下之常氏云和表用小柴胡湯復下用調胃承氣湯雍曰汗出表和則不必復下

又曰太陽病未解脈陰陽俱停一作必先振慄汗出

而解但陽脈微者先汗出而解千金云宜桂枝湯但

陰脈微者一有而尺下之而解若欲下之宜調胃承

氣湯一宜大柴胡湯

又曰太陽病發熱汗出者此為榮弱衛強故使汗出

欲救邪風者宜桂枝湯雍曰邪風在衛之風也

又曰傷寒五六日中風往來寒熱骨脇苦滿嘿嘿不

欲飲食心煩喜嘔或胃中煩而不嘔或渴或腹中痛

或脇下痞鞭或心下悸小便不利或不渴外有微熱

或欬者小柴胡湯主之

又曰血弱氣盡腠理開邪氣因入與正氣相搏結于

脇下正邪分爭往來寒熱休作有時嘿嘿不欲飲食

藏府相連其痛必下邪高痛下故使嘔也云藏府相連其痛必

中脇痛小柴胡湯主之服柴胡湯已渴者屬陽明也以

法治之常器之云亦与小柴胡湯待其便堅方用調

胃承氣湯

第一段之不
又曰得病六七日脈遲浮弱惡風寒手足溫醫二三

可用柴胡
惟小便難與
面目及身黃
尔不然皆小
柴胡證也看
後條用柴胡
便知

下之不能食而脇下滿痛面目及身黃頸項強小便

難者与小柴胡湯後必下重本渴飲水而嘔者柴胡

湯不中與也食穀者噦常氏云可五苓散小半夏橘

皮湯雍曰出千金十八卷痰飲門若証象陽旦小便難

者桂枝加附子見前卷食穀噦吳茱萸湯有熱橘皮

五苓不可易也因渴而飲水為水逆證尔

又曰傷寒四五日身熱惡風頸項強脇下滿手足温

而渴者小柴胡湯主之

又曰傷寒陽脉瀦陰脉弦法當腹中急痛先与小建

中湯不差者小柴胡湯主之与小柴胡湯去黃芩加芍藥

又曰傷寒中風有柴胡証但見一証便是不必悉具

凡柴胡湯病証而下之若柴胡証不罷者復与柴胡

湯必蒸蒸而振却發熱汗出而解也雍曰柴胡湯証

誤以他藥下者也

又曰傷寒二三日心中悸而煩者小建中湯主之

又曰太陽病過經十餘日反二三下之後四五日柴

胡証仍在者先与柴胡湯嘔止小安若嘔不止心下

急鬱微煩者為未解也与大柴胡湯下之則愈雍

曰嘔止小安者勿服大柴胡也
又曰傷寒十三日不解者胸脇滿而嘔日晡所發潮

熱已而微利此本柴胡証下之而不得利今反利者

知醫以丸藥下之此非其治也潮熱者實也先宜服

柴胡湯以解外後以柴胡加芒硝湯主之千金云柴

胡加大黃芒硝桑螵蛸湯也用桑螵蛸者何意當加

証也胸脇滿又曰傷寒十三日過經譎語者以內有熱也當以湯

下之若小便利者大便當鞭而反下利其尿調和者

知醫以丸藥下之非其治也若自下利者尿當微厥

今反和者此為內實也調胃承氣湯主之

又曰太陽病不解熱結膀胱其人如狂血自下者

愈其外不解者尚未可攻當先解其外解已而末

下但少腹急結者乃可攻之宜桃核承氣湯

解者未可攻先解其外千金用桂枝湯

又曰傷寒八九日下之胃滿煩驚小便不利譎語一

身盡重不可轉側者柴胡加龍骨牡蛎湯主之

又曰傷寒腹滿譎語寸口脈浮而緊此肝乘脾也名

曰縱刺期門

傷寒發熱者惡寒大渴欲飲水其腹必滿自汗出

小便便利其病欲解此肝乘肺也名曰橫刺期門

又曰太陽病二日內燒瓦熨其背而大汗出火氣入

卷五

胃中水竭躁煩必發譵語十餘日振慄自下利者

此為欲解也而後不可火証中曰振慄

故其汗從腰已下不得汗欲小便不得反嘔欲失溲

足下惡風大便堅小便當數而反不數及多便已頭

卓然而痛其人足心必熱穀氣下流故也常云可與

白虎加人參湯五苓散調胃承氣湯雍曰常氏之意

謂火氣入胃中枯燥故用白虎加參湯解之然須

無表証渴飲水者可服有表証者不可服以白虎湯

解裏熱故也小便不利者固當用五苓散然渴飲水

者宜服其大便鞭者用調胃承氣湯亦小便不利則

可服小便利者反不可服振慄反汗出者若自下利

皆不宜服若死上諸証而大便鞭或不通譵語仍在

者然後可服此一論証多宜審之若欲解諸証未生

時必須先去火邪宜救逆湯

又曰太陽病中風以火劫發汗邪風被火熱血氣流

溢失其常度兩陽相熏灼其人發黃陽盛則欲衄陰

虛則小便難陰陽俱虛竭身體則枯燥但頭汗出劑

頸而還腹滿微喘口乾咽爛或不大便久則譵語甚

者至噦手足燥擾循衣摸床小便利者其人可治常

氏云可桂枝去芍藥加龍骨牡蛎救逆湯五苓散大

承氣湯。雍曰：救逆則可。陰陽俱虛，身體枯燥，大承氣不敢用。小便不利，與五苓散。發黃者，茵陳蒿湯。

又曰：傷寒，脈浮，醫以火迫劫之，亡陽，必驚狂，卧起不

安者，桂枝去芍藥，加蜀漆牡蠣龍骨救逆湯主之。

又曰：形作傷寒，其脈不弦緊而弱，者必渴，被火者

必譎語，弱者發熱，脈浮，解之當汗出，愈。常氏云：可依

前救逆湯

又曰：太陽病，以火熏之，不得汗，其人必躁，到經不解

必清血，名為火逆。常氏曰：可依前救逆湯。黃芩為藥

又曰：脈浮熱甚，而反灸之，此為實。以虛治因火而

動，必咽燥唾血。常云：可依前救逆湯。

又曰：微數之脈，謹不可灸。因火為邪，則為煩逆。追虛

逐實，血散脈中，火氣雖微，內攻有力，焦骨傷筋，血難

復也。常氏曰：可依前救逆湯。欬其有汗，宜柴胡桂枝

湯

脈浮，宜以汗解，而反灸之，邪無從出，因火而盛，病從

腰以下必重而痺，名火逆也。欲自解者，必當先煩，

乃有汗，隨汗而解，何以知之？脈浮，故知汗出解也。雍

曰：宜少與救逆湯。活人第十方

又曰：燒針令其汗，針處被寒，核起而赤者，必發奔豚。

氣從小腹上衝心者灸其核上各一壯与桂枝加桂湯更加桂二兩

又曰火逆下之因燒針煩躁者桂枝甘草龍骨牡蛎湯主之

又曰太陽傷寒者加溫針必驚也常氏曰可依前救逆湯

又曰太陽病當惡寒發熱今自汗出反不惡寒發熱關上脉細數者以醫吐之過也一二日吐之者腹中

飢口不能食三四日吐之者不喜糜粥欲食冷食朝食暮吐以医吐之所致也此為小逆常氏曰可与小

半夏湯小溫中湯亦可与半夏乾姜湯出金匱方雜曰活人書大半夏小半夏加茯苓湯半夏生薑湯皆

可選用又曰太陽病吐之但太陽病當惡寒今反不惡寒不

欲近衣此為吐之內煩也常氏曰可与竹葉石膏湯又曰病人脉數為熱當消穀引食而反吐者此医

發其汗令陽氣微隔氣虛脉乃數也數為客熱不能消穀以胃中虛冷故吐也常氏云可与小半夏湯小

溫中湯又曰太陽病過經十餘日心下溫欲吐而胃中痛

前大柴胡有大便反溇腹微滿鬱微煩先此時自極吐下者與心下急鬱微煩嘔不止調胃承氣湯若不爾不可與但欲嘔胃中痛微溇者之証柴胡加此非柴胡証以嘔故知極吐下也雍曰與調胃承氣湯者謂前証也後証但欲嘔以下非柴胡証宜橘皮湯

芒硝湯有胸膈滿而嘔曰
大半夏加橘皮湯詳見吐下後証中但欲嘔以下恐

之証所不同而嘔潮熱微利等証今故表而出之見得當與調胃承
者胸中痛腹承氣也用橘皮半夏者非

滿二症前因又曰太陽病六七日表証仍在脈微而沉反不結育下後此因極吐下後故不其人發狂者以熱在下焦少腹當鞭滿小便自利者下血乃愈所以然者以太陽隨經瘀血熱在裏故也宜下之抵當湯主之

與柴胡等湯而與調胃承氣也

又曰太陽病身黃脈沉結少腹鞭小便不利者為无血也小便自利其人如狂者血証諦也抵當湯主之常氏云小便不利无血者與五苓散

又曰傷寒有熱少腹滿應小便不利今反利者為有血也當下之不可餘藥宜抵當丸

又曰太陽病小便利者以飲水多必心下悸小便少者必苦裏急也常氏曰可茯苓桂枝甘草生姜湯猪苓湯難曰无此湯必字誤也高用茯苓桂枝甘草湯

仲景問曰病有結胸有藏結其狀何如答曰按之痛寸脈浮關脈沉名曰結胸也

又曰何謂藏結吞曰如結胃狀飲食如故時下利寸口脈浮關脈小細沉緊名曰藏結舌上白胎滑者難治常氏曰可刺關元穴

又曰藏結無陽証不往來寒熱一云寒而不熱其人反靜舌

上胎滑者不可攻也常氏曰可刺關元穴雍曰宜灸

又曰病發于陽而反下之熱入因作結胸病發于陰

而反下之一作汗之因作痞也所以成結胸者以下

之太早故也

又曰結胸項亦強如柔瘕狀下之則和宜大陷胃丸

又曰結胸証其脈浮大者不可下之則死常氏曰

可與增損理中丸并蜜丸服如未効用黃連七寸巴

豆七粒二味搗如泥封臍上灼艾灸之熱徹効

又曰結胃証悉具煩躁者亦死

又曰太陽證脈浮而動數浮則為風數則為熱動則

為痛數則為虛頭痛發熱微盜汗出而反惡寒者表

未解也眩千金方同醫反下之動數變遲膈內拒痛

胃中空虛客氣動膈短氣煩躁心中懊懣陽氣內陷

心下因鞭則為結胸大陷胃湯主之若不結胸但頭

汗出餘處無汗劑頸而還小便不利身必發黃常氏

云發黃者與茵陳蒿湯煎茵陳濃汁調五苓散亦可

又曰傷寒六七日結胃熱實脉沉而緊心下痛按之如石鞭者大陷胃湯主之

又曰傷寒十餘日熱結在裏復往來寒熱者與大柴胡湯但結胃無大熱者此為水結在胃膈也但頭微汗出者大陷胃湯主之

又曰太陽病重發汗而復下之不大便五六日舌上

燥而渴者日晡所小有潮熱一云日晡所從心下至

少腹鞭滿而痛不可近者大陷胃湯主之

又曰小結胃病正在心下按之則痛脉浮滑者小陷

胸湯主之

又曰太陽病二三日不能臥但欲起者心下必結其

脉微弱者此本有寒分也常云可增損理中丸反下

之若利止必作結胸常云可大小陷胃湯主之利未

止者四日復下之此乃協熱利也常云白頭翁湯

又曰太陽病下之其脉一作縱促不結胃者此為欲解

也脉浮者必結胃常云可增損理中丸脉緊者必咽

痛常云可桔梗甘草湯脉弦者必兩脇拘急常云小

柴胡湯脉細數者頭痛未止常云可葱鬚湯脉沉緊

者必欬嘔常云可七物黃連湯脉沉滑者協熱利常

云可白頭翁湯脉浮滑者必下血常云可與類要藥

皮湯 七物黃連湯

黃連 茯苓 黃芩 各十八銖
甘草 芍藥 小麥 各三銖

芍藥

乾薑

又曰病在陽應以汗解之反以冷水噴之若灌之其熱被却不得去弥更益煩肉上粟起意欲飲水反不渴者服文蛤散若不差者與五苓散寒實結胃无熱証者與三物小陷胃湯三物白散亦可

又曰太陽與少陽併病頭項強痛或眩冒時如結胸心下痞鞭者當刺大椎第一間肺俞肝俞慎不可發汗發汗則譏語脉弦五六日譏語不止當刺期門又曰婦人中風發熱惡寒經水適來得之七八日熱除而脉遲身涼膏膈下滿如結胃狀譏語者此為熱

入血室也當刺期門隨其寒而取之常云隨其寒而取謂針家當行瀉法也亦可用小柴胡湯

又曰婦人中風七八日續得寒熱發作有時經水適斷者此為熱入血室其血必結故使如瘧狀發作有時小柴胡湯主之

又曰婦人傷寒經水適來晝日明了暮則譏語如見鬼狀者此為熱入血室无犯胃氣及上二焦必自愈雍曰上焦中焦榮衛所出也如不自愈者服小柴胡湯又曰傷寒六七日發熱微惡寒夫節煩疼微嘔心下支結外証未去者柴胡桂枝湯主之

又曰傷寒五六日已發汗而復下之胃脘滿微結小便不利渴而不嘔但頭汗出往來寒熱心煩者為未解也柴胡桂枝乾姜湯主之

又曰傷寒五六日頭汗出微惡寒手足冷心下滿口不欲食大便鞅脉細者此為陽微結必有表復有裏脉沉亦在裏也汗出為陽微假令純陰結不得復有外証悉入在裏此為半在裏半在外也脉雖沉緊不得為少陰病所以然者陰不得有汗今頭汗出故知非少陰也可与小柴胡湯設不了了者得屎而解雍曰實者大柴胡虛者蜜煎導之

又曰傷寒五六日嘔而發熱者柴胡証具而以他藥下之柴胡証仍在者復与柴胡湯此雖已下之不為逆必蒸蒸而振却復汗出而解若心下滿而鞅痛者此為結胸也大陷胃湯主之但滿而不痛者此為痞柴胡不中与之宜半夏瀉心湯

又曰太陽少陽併病而反下之成結胸心下鞅下利不止水漿不下其人心煩常氏曰可半夏生姜瀉心湯

又曰脉浮而緊而復下之緊反入裏則作痞按之自濡但氣痞耳常氏曰可小陷胃湯生姜瀉心湯雍曰

宜半夏瀉心湯枳實理中丸

又曰太陽中風下利嘔逆表解者乃可攻之其人藜

藜汗出發作有時頭疼心下痞鞭滿引脇下痛乾嘔

短氣汗出不惡寒者表解裏未和也十棗湯主之雍

曰十棗湯太峻後人未易用當以枳柳湯代之詳見

心下痞本証門第十三卷

又曰太陽病匡發其汗遂發熱惡寒因復下之心下

痞表裏俱虛陰陽氣併竭無陽則陰獨復加燒針因

而胸煩面色青黃膚濶者難治今色微黃手足溫者

易愈常氏曰可生姜瀉心湯小柴胡湯桂枝去芍藥

加龍骨牡蛎救逆湯雍曰此難治之証一言不可尽

臨時更詳輕重痞甚則先瀉心發熱惡寒甚則先柴

胡火逆甚則先救逆從所重治之

又曰心下痞按之濡其脈關上浮者大黃、連瀉心

湯主之

又曰心下痞而復惡寒汗出者附子瀉心湯主之

又曰本以下之故心下痞與瀉心湯痞不解其人渴

而口燥渴小便不利者五苓散主之一方忍之一日

乃愈

又曰傷寒汗出解之後胃中不和心下痞鞭堅乾意

食臭脇下有水氣腹中雷鳴下利者生姜瀉心湯之
又曰傷寒中風醫反下之其人下利日數十行穀不
化腹中雷鳴心下痞鞭而滿乾嘔心煩不得安醫見
心下痞謂病不尽復下之其痞益甚此非結熱但以
胃中虛客氣上逆故使鞭也甘草瀉心湯主之
又曰傷寒服湯藥下後利不止心中痞鞭服瀉心湯
已復以他藥下之利不止醫以理中与之利益甚理
中者理中焦此利在下焦赤石脂禹餘糧湯主之復
不止者當利其小便常氏云可五苓散
又曰傷寒吐下後發汗虛煩脈甚微八九日心下痞

鞭脇下痛氣上冲咽喉眩冒經脈動惕者久而成痿
常氏云可茯苓甘草白朮生姜湯成痿者振痿湯瘥
曰當作茯苓桂枝白朮甘草湯

又曰傷寒發汗若吐若下解後心中痞鞭噫氣不除
旋覆代赭石湯主之

又曰下後不可再行桂枝湯若汗出而喘无大熱者
可与麻黃杏子甘草石膏湯

又曰太陽病外証未除而數下之遂協熱而利不
止心下痞鞭表裏不解者桂枝人參湯主之

又曰傷寒大下後復發汗心下痞惡寒者表未解也

不可攻痞當先解表。解乃可攻痞。解表宜桂枝湯。

攻痞宜大黃。連瀉心湯。

又曰傷寒發熱汗出不解心下痞鞭嘔吐而下利者

大柴胡湯主之。

又曰病如桂枝証頭不痛項不強寸脈微浮背中痞

鞭氣上冲咽喉不得息者此為胃有寒也當吐之宜

瓜蒂散。

又曰病人脇下素有痞連在臍膀痛引少腹入陰筋

者此名藏結者死常氏云可刺大赫在腹部第二行

又曰傷寒若吐若下後七八日不解熱結在裏表重

俱熱時惡風大渴舌上乾燥而煩欲飲水數升者

白虎加人參湯主之。

又曰傷寒无大熱口燥渴口煩背微惡寒者白虎加

人參湯主之。

又曰傷寒脈浮發熱無汗其表不解者不可与白虎

湯渴欲飲水无表証者白虎加人參湯主之。

又曰太陽少陽併病心下鞭項強而眩者當刺大

椎肺俞肝俞切勿下之。

又曰太陽與少陽合病自下利者与黃芩湯若嘔者

黃芩加半夏生姜湯主之。

又曰傷寒胸中有熱胃中有和氣腹中痛欲嘔吐黃連湯主之

又曰風濕相搏骨節疼煩掣痛不得屈伸近之則極汗出短氣小便不利惡風不欲去衣或身微腫者甘草附子湯主之

又曰傷寒脈浮滑此表有熱裏有寒白虎湯主之雍曰此一証傳寫之誤校正者謂熱結在裏表裏俱熱此即仲景吐下後欲飲水數升白虎加人參湯之証又非此也仲景別條云傷寒脈浮發熱無汗其表不解者不可與白虎湯表不解者尚不可服况裏有實

乎詳此証當作傷寒脈浮滑此表裏有熱白虎湯主之是亦仲景之言故仲景厥陰論中脈滑而厥亦裏有熱亦用白虎也

又曰傷寒脈結代心動悸炙甘草湯主之又曰按脈之來緩時一止復來者名曰結又脈來動而中止更來小数中有還者反動名曰結陰也脈來動而中止不能自還因而復動名曰代陰也得此求者必難治雍曰宜炙甘草湯主之難治者謂代陰也金匱要畧云脈結心悸炙甘草湯是也仲景曰寒八九日風濕相搏身體疼煩不能自轉不嘔不

脉浮虚而濡者桂枝附子湯主之若其人大便鞭
便自利者去桂枝加白朮湯主之雍曰桂枝附子湯
非桂枝加附子湯也朱氏名曰桂附湯者是也
不同而多誤用故朱氏少辨其名今桂枝加附子湯
係桂枝第六方桂枝附子湯中條桂枝第十七方去
桂加白朮者謂自桂枝附子湯中去桂枝加白朮非
桂枝加附子湯中加減也宜詳之

又曰病欬吐者不可下常氏云可小半夏加橘皮湯
又曰太陽病有外証未解不可下之為逆常氏一
可桂枝麻黃各半湯雍曰依可汗証中用桂枝麻黃

二湯

又曰病發于陽而反下之熱入因作結胸病發于陰
而反下之一作汗之奔經及因作痞脉浮而緊而復
下之緊反入裏則作痞常氏云可小陷胸湯瀉心湯
雍曰宜用半夏瀉心湯

